

## 目次

---

【1 依止事有二種八】 D01_001	3
【1 總說】 D02_001	3
【2 別釋：四靜慮及四無色】 D02_002	3
【1 世間初靜慮乃至非想非非想處】 D03_001	3
【2 出世間初靜慮乃至無所有處】 D03_002	4
【3 別釋：定相四門】 D02_003	4
【1 總說】 D04_001	4
【2 別釋】 D04_002	4
【1 雜染】 D05_001	4
【2 潔白】 D05_002	5
【3 建立】 D05_003	6
【1 總說】 D06_001	6
【2 別釋】 D06_002	6
【1-2 建立近分及根本】 D07_001	6
【1 初靜慮】 D08_001	6
【1 近分】 D09_001	6
【2 根本】 D09_002	6
【2 第二靜慮】 D08_002	6
【1 近分】 D09_003	6
【2 根本】 D09_004	7
【3 第三靜慮】 D08_003	7
【1 近分】 D09_005	7
【2 根本】 D09_006	7
【4 第四靜慮】 D08_004	7
【1 近分】 D09_007	7
【2 根本】 D09_008	7
【5 虛空無邊處】 D08_005	8
【1 近分】 D09_009	8
【2 根本】 D09_0010	8
【6 識無邊處】 D08_006	8
【1 近分】 D09_011	8
【2 根本】 D09_012	8
【7 無所有處】 D08_007	8
【1 近分】 D09_013	8

【2 根本】 D09_014	8
【8 非想非非想處】 D08_008	8
【1 近分】 D09_015	8
【2 根本】 D09_016	9
【3 建立定】 D07_002	9
【1 初靜慮】 D08_009	9
【2 第二靜慮】 D08_010	9
【3 第三靜慮】 D08_011	10
【4 第四靜慮】 D08_012	10
【5 虛空無邊處】 D08_013	11
【6 識無邊處】 D08_014	11
【7 無所有處】 D08_015	11
【8 非想非非想處】 D08_016	12
【4 建立生】 D07_003	12
【1 梵身天、梵輔天、大梵天】 D08_017	12
【2 少光天、無量光天、極淨光天】 D08_018	12
【3 少淨天、無量淨天、遍淨天】 D08_019	12
【4 無雲天、福生天、廣果天】 D08_019	13
【5 虛空無邊處天】 D08_021	13
【6 識無邊處天】 D08_022	13
【7 無所有處天】 D08_023	13
【8 非想非非想處天】 D08_024	13
【9 五淨宮天】 D08_025	13
【1 無煩淨宮天】 D09_017	13
【2 無熱淨宮天】 D09_018	13
【3 妙現淨宮天】 D09_019	13
【4 妙見淨宮天】 D09_020	14
【5 無礙究竟淨宮天】 D09_021	14
【10 大自在天】 D08_026	14
【4 清淨】 D05_004	14
【3 結】 D04_003	14

插圖／何月蘭

科判排版／釋惠敏·郭麗娟

義工／葛賢敏·黃齡儀

程式支援／周邦信

## 攝事品第一

### 【5目 依止事】

#### 【1 依止事有二種八】 D01\_001

如是已說諦，依止今當說。頌曰：

依止八與二。

#### 【1 總說】 D02\_001

論曰：依止有八種。何等爲八？謂四靜慮及四無色。復有二種。何等爲二？謂初靜慮有二種：世及出世；乃至無所有處有二種：世及出世；非想非非想處，唯是世間。<sup>1</sup>

#### 【2 別釋：四靜慮及四無色】 D02\_002

#### 【1 世間初靜慮乃至非想非非想處】 D03\_001

世間初靜慮者，謂或緣離欲界欲增上教法、或緣離彼增上教授爲境界，已由世間道作意觀察，熾然修習等故而得轉依，然不深入所知義故，不能永害隨眠，自地煩惱

---

<sup>1</sup>《集論》「云何出世道？謂於修道中法智類智品所攝苦智集智滅智道智，及彼相應三摩地等，或未至定所攝，或初靜慮乃至無所有處所攝。非想非非想處唯是世間，不明了想恒現行故，由此道理故名無想。如世尊言：乃至有想三摩鉢底，方能如實照了通達。滅定亦是出世間攝，由聖道後所證得故，要於人趣方能引發，或於人趣或於色界能現在前。生無色界多不現起，由住寂靜解脫異熟者，於此滅定多不發起勤方便故」(T31, no. 1605, p. 683, c13~23)。《雜集論》「非想非非想處唯是世間，不明了想恒現行故。由不明了想恒現在前，非極明了現行聖道之所依止，是故一向世間所攝。由此道理，彼想羸劣，不能猛利，取所緣相故名無相。復云何知非想非非想處無有聖道？由世尊說：乃至有想三摩鉢底，方能如實照了，通達滅盡三摩鉢底，是出世間，由聖道後所證得故。」(T31, no. 1606, p. 737, a28~b6)。《瑜伽論》「問：是五事中，思惟幾事，能入出世初靜慮定？答：即思惟欲界所繫及初靜慮地所繫，相、名、分別、真如。如是乃至無所有處，如其所應，當知亦爾。非想非非想處本性法爾唯是世間。問：非想非非想處所繫相，當言是相耶？答：當言無想相；亦名微細相。」(T30, no. 1579, p. 699, a14~19)。

之所依處，是退還法；自地三摩地心及心法之所依止，如世間初靜慮。如是，乃至世間非想非非想處，各緣離下地欲增上教法——廣說如前。

## 【2 出世間初靜慮乃至無所有處】 D03\_002

出世間初靜慮者，謂先以如是行、如是狀、如是相，作意入初靜慮。今不以如是行、如是狀、如是相作意，然或於色、受、想、行、識所攝諸法，思惟如病、如癱、如箭，障礙無常、苦空、無我<sup>2</sup>；或復 [0486b] 思惟苦是苦、集是集、滅是滅、道是道；或復思惟真如、法性、實際——如是於諸法中，思惟如病，乃至實際，已於如是法心生厭怖；生厭怖已，於不死界攝心而住，或於真如、法性、實際攝心而住，此處無分別智及彼相應心、及心法、及彼所依止轉依，由深入所知義故，則能永害隨眠，非一切煩惱之所依處，不退轉法——如是名為出世間初靜慮，乃至無所有處，應當廣說。於諸靜慮及與無色。

## 【3 別釋：定相四門】 D02\_003

### 【1 總說】 D04\_001

復有四種應知。一、雜染；二、潔白；三、建立；四、清淨。

### 【2 別釋】 D04\_002

#### 【1 雜染】 D05\_001

雜染者，謂於上靜慮起深愛味、見、慢及疑。<sup>3</sup> 愛味者，謂有十種：一、俱生作

---

<sup>2</sup> 《瑜伽論》「當知此中由觀察作意、於一切修道、數數觀察已斷未斷；如所得道，而正修習。又於此中云何名修自性？云何名修業？云何名修品類差別？.....當知修業略有八種。一、有一類法、由修故得；.....若先未得殊勝善法、修習令得；名修故得。若先已得、令轉現前；名修故習。若先已得、未令現前，但由修習彼種類法、當令現前、令轉清淨鮮白生起、名修故淨。若有失念、染法現行，修善法力、令不忍受、斷除變吐；名修故遣。若未生起所應斷法、修善法力、了知如病、深心厭壞，了知如癱、如箭、障礙無常苦空及以無我、深心厭壞；名修故知。如是知己，數修習故、無間道生、斷諸煩惱；名修故斷。煩惱斷已，證得解脫；名修故證。如如進趣上地善法，如是如是令其下地已斷諸法、轉成遠分，乃至究竟；名修故遠。 (T30, no. 1579, p. 476, b16~29)

<sup>3</sup> 《瑜伽論》「復次有四得靜慮者。一、愛上靜慮者，二、見上靜慮者，三、慢上靜慮者，四、疑上靜慮者。謂如有一、先聞靜慮諸定功德、而不聞彼出離方便，於彼一向見勝功德、勇猛精勤；由此因緣、入初靜慮或所餘定。如是入已、後生愛味。

云何見上靜慮者？謂如有一、從自師所或餘師所、聞諸世間皆是常等、如是方便入初靜慮乃至有頂、能得清淨解脫出離，彼依此見、勇猛精勤；由是因緣、入初靜慮或所餘定。如是入已、能自

意愛味；二、分別所起作意愛味；三、自地作意愛味；四、異地作意愛味；五、過去愛味；六、未來愛味；七、現在愛味；八、下愛味；九、中愛味；十、上愛味。

## 【2 潔白】D05\_002

潔白者，謂淨及無漏。淨者，復有三種：一、引發故；二、上練故；三、除垢、所攝、堪任故。無漏者，此亦三種：一、出世間無漏；二、此等流無漏；三、離繫無

憶念過去多劫、遂生是見：我及世間、皆是常等。從定起已、即於此見堅執不捨；復於後時審思、審慮、審諦觀察。謂由此故當得清淨解脫出離。

云何慢上靜慮者？謂如有一、聞如是名諸長老等入初靜慮乃至有頂、聞是事已，遂生憍慢：彼既能入靜慮等定；我復何緣而不當入。依止此慢、勇猛精勤；由是因緣、入初靜慮及所餘定。如是入已、後生憍慢。或入定已、作是思惟；唯我能得如是靜慮、餘不能得。彼依此慢。復於後時。於諸靜慮。審思審慮。審諦觀察。

云何疑上靜慮者：謂如有一、為性暗鈍、本嘗樂習奢摩他行；由此因緣、入諸靜慮或所餘定。如是入已、復於上定勤修方便、為得未得、於四聖諦勤修現觀；性暗鈍故、不能速證聖諦現觀。由此因緣、於餘所證便生疑惑。依此疑惑、復於勝進、審思審慮審諦觀察。」(T30, no. 1579, p. 335, b8ff.)

《瑜伽論記》「四得定者中。備云：此愛等者是上地惑，非欲界，以伏欲貪等，方入定故。此義不然，以識論說：要得彼地根本定者，彼地煩惱容現前故。此未起定者，豈容先起上地愛等。基云：此四無記根，四人得定起此四種，非必一人具能起四。愛即貪數，見謂見取；慢即我慢；疑即癡疑。此中，先聞而起，是未得定先起四根不是唯無記性，欲界通不善故；或得定已後起四種方是無記。景釋：見上靜慮云先依邪教起於常見，次云：如是方便入初靜慮等能得清淨等者。彼師又教若入八定如是常我清淨解脫等者，又依彼教而生見取，彼依常見見取勇猛精進修入初定或餘定等。復因定力見過去事又生常見。次明依見修得靜慮。次依定力知過去事，復生常見。復於後時下。依於常見復生見取。基解：如是入已能自憶念過去多劫遂生是見等者，由得定已起四常見總緣世間。非但約定故非見上靜慮所攝。執此見不捨名為見取。然此文中，唯說能得淨不說體殊勝。實逐難顯之。為勝易故。定等是常見所依蘊故亦見取境。此中，愛緣上地，唯識具釋。未得定前我慢緣此地生，同地而執。總緣五蘊而方能故。得定後慢。緣彼地起亦同地故。無別緣我慢緣他地生。總緣者可爾。如唯識說。其疑一法。觀其文勢唯修出世者起緣聖諦疑故。據勝者說理通餘有。於餘勝定亦起疑故。未得定前性通不善。若得定已後名無記根。是定煩惱為根本起生煩惱。」(T42, no. 1828, p. 387, b25ff.)

《雜集論》「雜染者，謂四無記根。一、愛；二、見；三、慢；四、無明。由此四惑染污其心，於諸染污靜慮定門，令色、無色界一切有覆無記煩惱隨煩惱生長不絕。所以者何？由有愛故，味上靜慮，雜染所染，貪味淨定輕安樂故。由有見故，見上靜慮雜染所染，依止靜慮發起計度先際等見故。由有慢故，慢上靜慮，雜染所染，依證勝定起高慢故。由無明故，疑上靜慮，雜染所染，求解脫者由未通達真實道理，於勝品所證常生疑惑，為解脫耶？不解脫耶？如是煩惱恒染其心，令色、無色大小二惑相續流轉」(T31, no. 1606, p. 736, a14~24)

漏。<sup>4</sup>

### 【3 建立】D05\_003

#### 【1 總說】D06\_001

建立者，此復四種：一、建立近分；二、建立根本；三、建立定；四、建立生

#### 【2 別釋】D06\_002

##### 【1-2 建立近分及根本】D07\_001

#### 【1 初靜慮】D08\_001

##### 【1 近分】D09\_001

建立近分及根本者。如經中說，所謂：「此身，離生喜樂之所滋潤、遍滋潤、遍適悅、遍流布者，是謂初靜慮近分。」<sup>5</sup>

##### 【2 根本】D09\_00 2

如經又說：「即此身中一切處，無有少分離生喜樂所不遍滿者，是謂初靜慮根本。」

#### 【2 第二靜慮】D08\_002

##### 【1 近分】D09\_003

如經中說：「即於此身，等持所生喜樂之所滋潤、遍滋潤、遍適悅、遍流布者，是謂第二靜慮近分。」

---

<sup>4</sup> 《顯揚論》「六種清淨，一、引發清淨；二、上練清淨；三、後得清淨；四、垢染清淨；五、攝清淨；六、堪任清淨。云何三種？謂出世間無漏、離繫無漏、後得無漏。」(T31, no. 1602, p. 576, c19~22)。《雜集論》「清白者，謂淨靜慮、無色，由性善故說名清白，雖是世間，離纏垢故亦名為淨」(T31, no. 1606, p. 736, a25~26)

<sup>5</sup> 《瑜伽論》「離生喜樂者：謂初靜慮地所攝喜樂。所滋潤者：謂喜所潤。遍滋潤者：謂樂所潤。遍充滿者：謂加行究竟作意位。遍適悅者：謂在已前諸作意位。由彼位中、亦有喜樂時時間起；然非久住、亦不圓滿。於此身中無有少分而不充滿者：謂在加行究竟果作意位。」(T30, no. 1579, p. 339, b14~20)

## 【2 根本】D09\_004

如經又說：「即此身中一切處，無有少 [0486c] 分等持所生喜樂所不遍滿者，是謂第二靜慮根本。」

## 【3 第三靜慮】D08\_003

### 【1 近分】D09\_005

如經中說：「即於此身，離喜之樂之所滋潤、遍滋潤、遍適悅、遍流布者，是謂第三靜慮近分。」

## 【2 根本】D09\_006

如經又說：「即此身中一切處，無有少分，離喜之樂所不遍滿者，是謂第三靜慮根本。」

## 【4 第四靜慮】D08\_004

### 【1 近分】D09\_007

如經中說：「即於此身，清淨心及潔白心，<sup>6</sup>意解遍滿具足住者<sup>7</sup>，是謂第四靜慮近分。」

## 【2 根本】D09\_008

如經又說：「即此身中一切處，無有少分清淨心及潔白心所不遍滿者，是謂第四靜慮根本。」

---

<sup>6</sup> 《瑜伽論》「清淨心者：謂與捨念清淨相應，超過下地諸災患故。鮮白者：謂性是善，自地煩惱無愛味故。」(T30, no. 1579, p. 339, c8~10)

<sup>7</sup> 《瑜伽論》「若復說言勝解遍滿具足住者：此則顯示能引快樂定地勝解。又此勝解、即是能引快樂利益增上意樂所攝勝解作意俱行」(T30, no. 1579, p. 429, c17~20) 《顯揚論》「一、慈無量，謂慈心俱．．．意解遍滿具足住。意解者，緣意解思惟境界故；遍滿者，緣無間有情境界故；具足住者，如前靜慮中說。」(T31, no. 1602, p. 497, a14~27)

## 【5 虛空無邊處】 D08\_005

### 【1 近分】 D09\_009

如經中說：「一切色想出過故、一切有對想滅沒故、一切種想不作意故，入無邊虛空虛空無邊處者，是謂虛空無邊處近分。」

### 【2 根本】 D09\_0010

如經又說：「具足住者，是謂虛空無邊處根本。」

## 【6 識無邊處】 D08\_006

### 【1 近分】 D09\_011

如經中說：「出過一切虛空無邊處，入無邊識、識無邊處者，是謂識無邊處近分。」

### 【2 根本】 D09\_012

如經又說：「具足住者，是謂識無邊處根本。」

## 【7 無所有處】 D08\_007

### 【1 近分】 D09\_013

如經中說：「超過一切識無邊處，入無少所有、無所有處者，是謂無所有處近分。」

### 【2 根本】 D09\_014

如經又說：「具足住者，是謂無所有處根本」

## 【8 非想非非想處】 D08\_008

### 【1 近分】 D09\_015

如經中說：「超過一切無所有處，入非有想非無想、非想非非想處者，是謂非想非非想處近分。」



## 【2 根本】D09\_016

如經又說：「具足住者，是謂非想非非想處根本。」

## 【3 建立定】D07\_002

### 【1 初靜慮】D08\_009

建立定者。如經中說：「離欲、惡不善法故(viviktaṃ Kāmair viviktaṃ pāpākair akuśala-dharmiḥ)，有尋、有伺(savitarkaṃ savicāraṃ)，離生喜樂(vivekajaṃ prīti-sukhaṃ)，初靜慮具足住(prathamam dhyānam upasampadya viharati)。」

離欲(viviktaṃ Kāmair)者，謂或緣離欲界欲增上教法、或緣彼教授為境界已，斷欲界煩惱雜染。

離惡不善法(viviktaṃ pāpākair akuśala-dharmiḥ)者，謂斷欲界業雜染法。能墮惡趣故，名為惡；能障於善，故名不善。

尋者，謂能對治二種雜染，出離尋、[0487a] 無恚尋、無害尋。

伺者，謂能對治二種雜染，出離伺、無恚伺、無害伺。

離者，謂由修習對治，斷所治障，所得轉依。生者，謂從此所生。

喜者，謂已轉依者，依於轉識，心悅、心勇、心適、心調，安適受受所攝。樂者，謂已轉依者，依阿賴耶識能攝所依，令身怡悅，安適受受所攝。

初者，謂次第定中，此數最先故。靜慮者，謂已斷欲界雜染之法，尋伺喜樂所依，依於轉依，心住一境性。具足者，謂修習。圓滿住者，謂於入、住、出隨意自在。

### 【2 第二靜慮】D08\_010

又如經說：「尋伺寂靜故(vitarka-vicāraṇam vyupaśamād)，內等淨故(adhyātamaṃ samprasādāc cetasa)，心定一趣故(ekoti-bhāvād)，無尋、無伺三摩地生喜樂(avitarkam avicāraṃ samādhiṃ prīti-sukhaṃ)，第二靜慮具足住(dvitiyaṃ dhyānam upasampadya viharati)。」

尋伺寂靜者，謂或緣離初靜慮欲增上教法、或緣彼教授為境界已，初靜慮地尋伺寂靜，不復現行。

內等淨者，謂為對治尋伺故，攝念正知，於自內體，其心捨住，遠離尋伺塵濁法故，名內等淨。

心定一趣者，謂如是入時，多相續住，諸尋伺法恒不現行。

無尋、無伺者，謂證得尋伺斷法。三摩地者，謂已轉依者。心住一境性生者，謂從三摩地所生喜及樂，已如前說。第二靜慮者，謂尋伺寂靜，內體遍淨，三摩地所生

喜樂所依、依於轉依，心住一境性。餘如前說

### 【3 第三靜慮】D08\_011

又如經說：「由離喜故，住捨(upekṣako viharati)，念(smṛtitaḥ)、正知(saṃprajānan)，及樂身正受(sukhaṃ ca kāyena pratisaṃvedayati)，聖者宣說(yat tad ārya acakṣate)，成就捨念樂住(upekṣakaḥ smṛtimān sukhaṃ viharatīti niṣprītikaṃ)，第三靜慮具足住。」<sup>8</sup>

離喜者，謂或緣離第二靜慮欲增上教法、或緣彼教授為境界已，見第二靜慮喜相過失。

住捨者，謂於已生喜想及作意，不忍可故、有厭離故，不染污住心、平等心、正直心，無轉 [0487b] 動而安住性；念者，謂於已觀察喜不行相中，不忘明了，令喜決定不復現行；正知者，謂或時失念，喜復現行，於現行喜相分別正知。

樂者，謂已轉依者，離喜、離勇，安適受受所攝；身者，謂已轉依者，若轉識、若阿賴耶識，心性無別，總名為身；正受者，謂已轉依者，能攝受身，令身怡悅，總集說為樂身正受。

此處樂受，深極寂靜、最勝微妙、上下所無；聖者者，謂佛及佛弟子；宣說者，謂顯示施設；成就捨念樂住者，謂此地已上，無妙樂故，下地亦無。如是勝樂及無捨念以為對治。

第三靜慮者，謂離喜已，捨念正知，樂所依止，依於轉依，心住一境性——餘如前說

### 【4 第四靜慮】D08\_012

又如經說：「由斷樂故(sukhasya ca prahāṇād)，及先已斷苦、喜、憂故(duḥkhasya ca prahāṇāt pūrvam eva ca saumanasya-daurmanasyor astaṅgamād)，不苦、不樂(aduḥkhāsukham)，捨、念清淨(upekṣā-smṛti-pariśuddhi)，第四靜慮具足住。」

斷樂者，謂入第四靜慮時；先已斷苦者，謂入第二靜慮時；先已斷喜者，謂入第三靜慮時；先已斷憂者，謂入初靜慮時。

不苦、不樂者，謂已轉依者，非安適、非不安適，受受所攝色界，最極增上寂靜、最勝攝受，無有動搖。

---

<sup>8</sup> 《瑜伽論》「遠離喜貪，安住捨、念及以正知，身領受樂，聖所宣說，捨念具足，安樂而住，第三靜慮具足安住。」 (T30, no. 1579, p. 397, c6~8)

捨清淨(upekṣā-pariśuddhi)者，謂超過尋伺喜樂三地一切動故，心平等性、心正直性、心無轉動而安住性；念清淨(smṛti-pariśuddhi)者，謂超過尋伺喜樂三地一切動故，心不忘失而明了性。

第四者，由次第定中第四數故；靜慮者，謂樂斷故，不苦不樂、捨念清淨之所依止，依於轉依，心住一境性——餘如前說

### 【5 虛空無邊處】D08\_013

又如經說：「一切色想出過故(sarvaśo rūpa-samjñānām samatikramāt)，有對想滅沒故(pratigha-samjñānām astamgamāt)，種種想不作意故(nānātva-samjñānām amanasti-kārād)，入無邊虛空(anantam ākāṣam iti)，虛空無邊處具足住(ākāṣānantyāyatanam upasāmpadya viharati)。」

一切者，謂諸行相；色想者，謂顯色想； [0487c] 出過者，謂離彼欲故。

如出過義，有對想滅沒，種種想不作意——如是應知。

有對想者，謂彼所依四大想及餘所造色想；種種想者，謂即於四大及造色中長短、[色-巴+鹿]細、方圓、高下、正及不正、光影明闇——如是等類，假色所攝種種想，若正入無邊虛空處時，有對之想不現前故滅，及種種想不起作意。

由如是故、超彼能依一切色想；無邊者，謂十方諸相不可分別；虛空者，謂色對治所緣境界；虛空無邊處者，謂此處轉依及能依定——餘如前說

### 【6 識無邊處】D08\_014

又如經說：「超過一切虛空無邊處，入無邊識(sarvasa ākāśānantyāyatanam samatikramayānantam vijñānam iti)，識無邊處具足住(vijñānānantam upasāmpadya viharati)。」超過一切虛空無邊處者，謂超過近分及與根本；無邊識者，謂緣無邊虛空之識，今緣此為境界；識無邊處者，謂此處轉依及能依定——餘如前說

### 【7 無所有處】D08\_015

又如經說：「超過一切識無邊處，入無少所有(sarvaso vijñānanantyāyatanam samatikramaya nāsti kimcid ity)，無所有處具足住(ākimcanyāyatanam upasāmpadya viharati)。」超過一切識無邊處者，謂超過近分及與根本；無少所有者，謂於識處上境界推求之時，無少所得，除無所有無別境界，由唯見此境極寂靜故；無所有處者，謂此處轉依及能依定——餘如前說

## 【8 非想非非想處】D08\_016

又如經說：「超過一切無所有處，入非有想非無想，非想非非想處具足住。

(sarvaso ākimcanyāyatanam samatikramaya  
naiva-samjñā-nāsamjñāyatanam upasāmpadya viharati)」

超過一切無所有處者，謂超過近分及與根本；

非有想者，謂超過無所有想；非無想者，謂於無所有處上境界推求之時，唯得緣無所有極細心及心法，由唯見此境極寂靜故；非想非非想處者，謂此處轉依及能依定——餘如前說

## 【4 建立生】D07\_003

建立生者。<sup>9</sup>

## 【1 梵身天、梵輔天、大梵天】D08\_017

謂先於此間修下、中、上初靜慮者，[0488a] 後生彼處受三天果，謂梵身天、梵輔天、大梵天。若善修習無尋有伺初靜慮者，生大梵天果，更無異所勝彼處故。<sup>10</sup>

## 【2 少光天、無量光天、極淨光天】D08\_018

若先於此間修下、中、上第二靜慮者，後生彼處受三天果，謂少光天、無量光天、極淨光天。

## 【3 少淨天、無量淨天、遍淨天】D08\_019

若先於此間修下、中、上第三靜慮者，後生彼處受三天果，謂少淨天、無量淨天、遍淨天。

---

<sup>9</sup> 《瑜伽論》「復次色界有十八處。謂梵眾天、梵前益天、大梵天，此三由軟中上品熏修初靜慮故。少光天、無量光天、極淨光天，此三由軟中上品熏修第二靜慮故。少淨天、無量淨天、遍淨天，此三由軟中上品熏修第三靜慮故。無雲天、福生天、廣果天，此三由軟中上品熏修第四靜慮故。無想天、即廣果攝，無別處所。復有諸聖住止不共五淨宮地。謂無煩、無熱、善現、善見、及色究竟，由軟、中、上、上勝、上極品雜熏修第四靜慮故。復有超過淨宮、大自在住處。有十地菩薩，由極熏修第十地故，得生其中。」(T30, no. 1579, p. 295, a3~14)

<sup>10</sup> 《瑜伽論》「謂梵眾天、梵前益天、大梵天，此三由軟中上品熏修初靜慮故。」(T30, no. 1579, p. 295, a3~4)

#### 【4 無雲天、福生天、廣果天】D08\_019

若先於此間修下、中、上第四靜慮者，後生彼處受三天果，謂無雲天、福生天、廣果天。

從是已上離色貪故，無方處差別，雖有修習下、中、上因，然不建立生果差別。

#### 【5 虛空無邊處天】D08\_021

若下、中、上修虛空無邊處者，受虛空無邊處天生果。

#### 【6 識無邊處天】D08\_022

若下、中、上修識無邊處者，受識無邊處天生果。

#### 【7 無所有處天】D08\_023

若下、中、上修無所有處者，受無所有處天生果。

#### 【8 非想非非想處天】D08\_024

若下、中、上修非想非非想處者，受非想非非想處天生果。

由定寂靜有差別故，及由住時滿不滿故，彼有差別；又由多住愛味初靜慮，乃至非想非非想處故，不盡壽命而有中夭。

#### 【9 五淨宮天】D08\_025

#### 【1 無煩淨宮天】D09\_017

若雜修下品世間及無漏第四靜慮者，受無煩淨宮天生果。<sup>11</sup>

#### 【2 無熱淨宮天】D09\_018

若雜修中品者，受無熱淨宮天生果。

#### 【3 妙現淨宮天】D09\_019

若雜修上品者，受妙現淨宮天生果。

---

<sup>11</sup>《瑜伽論》「復有諸聖住止不共五淨宮地。謂無煩、無熱、善現、善見、及色究竟，由軟、中、上、上勝、上極品雜熏修第四靜慮故。」(T30, no. 1579, p. 295, a9~11)

#### 【4 妙見淨宮天】D09\_020

若雜修上勝品者，受妙見淨宮天生果。

#### 【5 無礙究竟淨宮天】D09\_021

若雜修上極品者，受無礙究竟淨宮天生果。

#### 【10 大自在天】D08\_026

若善修習菩薩無量不思議三摩地所引第十地中第四靜慮者，受出過淨宮，大自在天生果。<sup>12</sup>

#### 【4 清淨】D05\_004

清淨者，謂邊際(*prānt-koṭika*)初靜慮，依此引生一切勝德及速疾神通。如初靜慮清淨之相，餘靜慮及諸無色，應如是知。此中無色差別者，謂發彼地解脫等功德。<sup>13</sup>

#### 【3 結】D04\_003

如是彼諸靜慮及無色定雜染、潔白、建立、清淨差別，[0488b] 應知如是。

---

<sup>12</sup>《瑜伽論》「復有超過淨宮、大自在住處，有十地菩薩，由極熏修第十地故，得生其中。」(T30, no. 1579, p. 295, a12~14)

<sup>13</sup>《集論》「何等清淨故？謂初靜慮中邊際定，乃至非想非非想處邊際定，是名清淨。」(T31, no. 1605, p. 683, c12~13)。《雜集論》「清淨者，謂初靜慮中邊際定，乃至非想非非想處邊際定，是名清淨靜慮無色邊際定者。為欲引發勝品功德，得自在等，修堪任定，到究竟處故」(T31, no. 1606, p. 737, a21~24)《雜集論》「云何引發如是等功德？謂依止清淨四靜慮，若外道、若聲聞、若菩薩等，引發四無量、五神通。多分依止邊際第四靜慮，若聲聞、若菩薩、若如來等引發所餘功德。」(T31, no. 1606, p. 762, b3~6)